

VIJESTI 22

LINKOVI >

Februar 2026						
Po	Ut	Sr	Ce	Pe	Su	Ne
26	27	28	29	30	31	1
2	3	4	5	6	7	8
9	10	11	12	13	14	15
16	17	18	19	20	21	22
23	24	25	26	27	28	1

🕒 Objavljeno petak, 06 Februar 2026 09:27
📥 Klikova: 44

Na području Zeničko-dobojskog kantona javni red i mir je narušen u dvadeset šest slučajeva. U navedenim slučajevima intervenisali su policijski službenici i protiv počinilaca prekršaja preduzeli zakonom predviđene mjere i radnje.

Dana 05.02.2026. godine, u 07,35 sati, u ulici Crkvice, od strane službenika Policijske stanice Crkvice izvršenim pregledom lica M.H., rođenog 1991. godine, iz Zenice, pronađena je biljna materija koja svojim izgledom asocira na opojnu drogu. Zbog postojanja osnovane sumnje da je izvršilo krivično djelo "Posjedovanje i omogućavanje uživanja opojnih droga" lice M.H. je lišeno slobode i zadržano u prostorijama za zadržavanje, te je nad istim zavedena kriminalistička obrada..

Dana 05.02.2026. godine, postupajući po naredbi Općinskog suda u Visokom, od strane službenika Policijske stanice Visoko izvršen je pretres kuće i pomoćnih prostorija koje koristi lice S.A., rođeno 1995. godine, iz Visokog, kojom prilikom je pronađena biljna materija koja svojim izgledom asocira na opojnu drogu težine 157,49 grama, jedan pištolj kalibra 7,65 mm i tri pripadajuća metka. Zbog postojanja osnova sumnje da je izvršilo krivično djelo "Neovlaštena proizvodnja i stavljanje u promet opojnih droga" i krivično djelo iz člana 52. Zakona o nabavljanju, držanju i nošenju oružja i municije Zeničko-dobojskog kantona, lice S.A. je lišeno slobode i zadržano u prostorijama za zadržavanje, te je nad istim zavedena kriminalistička obrada.

Dana 05.02.2026. godine, u 06,10 sati, u mjestu Zgošća, od strane lica: B.K., rođen 1984. godine, iz Kaknja, S.E.; rođen 1999. godine, iz Visokog i J.A. rođen 2001. godine, iz Kaknja, izvršena je teška krađa u trgovinsku radnju "Zgošća", vlasništvo lica H.A., kojom prilikom je otuđena veća količina alkoholnih pića. Zbog postojanja osnova sumnje da su izvršila krivično djelo "Teška krađa" navedena lica su lišena slobode i zadržana u prostorijama za zadržavanje te je nad istim zavedena kriminalistička obrada. Izvršen je uvidaj od strane službenika Policijske stanice Kakanj koji nastavljaju aktivnosti na dokumentovanju navedenog krivičnog djela.

Dana 05.02.2026. godine, u 11,30 sati, u dežurnu službu Policijske stanice Breza je pristupilo lice M.J., iz Breza, te prijavilo lice A.A., rođenog 1990. godine, iz Breze, da je putem društvene mreže istom upućivalo ozbiljne prijetnje. Službenici Policijske stanice Breza nastavljaju aktivnosti na dokumentovanju krivičnog djela "Ugrožavanje sigurnosti".

Dana 05.02.2026. godine, u 14,42 sati, u ulici 15.septembar, pregledom lica B.K, rođenog 1979. godine, iz Zavidovića, od strane službenika Policijske stanice Zavidovići pronađena je biljna materija koja svojim izgledom asocira na opojnu drogu. Zbog postojanja osnova sumnje da je izvršilo krivično djelo "Posjedovanje i omogućavanje uživanja opojnih droga" lice B.K. je lišeno slobode i zadržano u prostorijama za zadržavanje te je nad istim zavedena kriminalistička obrada..

Dana 05.02.2026. u 16,45 sati, u mjestu Šije, od strane lica H.L., rođenog 1955. godine, iz Tešnja, izvršeno je krivično djelo "Nedozvoljeno držanje oružja ili eksplozivnih materija", gdje su od strane službenika Policijske stanice Tešanj izvršenim pretresom kuće koju koristi navedeno lice pronađena su 62 komada municije, kalibra 7,62 mm. Zbog postojanja osnova sumnje da je izvršilo nevedeno krivično djelo lice H.L. je lišeno slobode i zadržano u prostorijama za zadržavanje te je nad istim zavedena kriminalistička obrada. Izvršen je uviđaj od strane službenika Policijske stanice Tešanj.

Dana 05.02.2026. godine, u 13,24 sati, u ulici Alije Izetbegovića, dogodila se saobraćajna nezgoda u kojoj je učestvovalo teretno motorno vozilo marke "Opel" kojim je upravljalo lice A.D., rođeno 2005. godine, iz Zenice i pješakinja B.E., rođena 1982. godine, iz Kaknja, koja je tom prilikom zadobila teške tjelesne ozljede konstatovane u Kantonalnoj bolnici Zenica. Izvršen je uviđaj od strane službenika Policijske stanice Kakanj koji nastavljaju aktivnosti na dokumentovanju ove saobraćajne nezgode.

Na području Kantona dogodilo se još sedam saobraćajnih nezgoda u kojima nije bilo povrijeđenih lica, dok je na vozilima pričinjena materijalna šteta.